




ՄՈՍԿՎԱՅԻ ԵՎ ՀԱՄԱՅՆ ՌՈՒՍԻՈ ՆՈՐԻՆ ՍՐԲՈՒԹՅՈՒՆ
Տ. ՊԻՄԵՆ ՊԱՏՐԻԱՐԷԻ ՈՂՋՈՒՅՆԻ ԽՈՍՔԸ

(Զագորակ, 16 հուլիս 1974 թ.)

Սիրեցյալ Եղբայր մեր ի Տեր, Նորին Սրբություն Տ. Վազգեն Ա Ծայրագույն Պատրիարք և կաթողիկոս Ամենայն Հայոց,

Նորին Ամենապատվություն տ. Եղիշե պատրիարք հայոց Երուսաղեմի, Թանկագին առաջնորդներ և հովիվներ ի Քրիստոս.

Եղբայրական ջերմ սիրով ողջունում եմք այստեղ ներկայությունը Հայց. առաքելական եկեղեցու ականավոր գործիչների և Մեր հյուրասիրության սրբազան պարտքը կատարում ի Քրիստոս սիրեցյալ մեր եղբայրներին՝ Նորին Սրբություն Տ. Վազգեն Ա Ծայրագույն Պատրիարքին և կաթողիկոսին Ամենայն Հայոց և Երուսաղեմի հայոց ամենապատիվ տ. Եղիշե պատրիարքին:

Մեր թանկագին հյուրեր,

Ձեր պաշտոնական այս այցելությունը մեզ, արտահայտությունն է Հայց. առաք. եկեղեցու և ողորմ պրավոսլավ եկեղեցու միջև գոյություն ունեցող և մեր օրերում շարունակվող բարի և եղբայրական հարաբերությունների:

Թող Աստված օրհնի ձեր այս այցելությունը և թող Տերը՝ աշխարհի Փրկիչ Քրիստոսը, շոշափելի դարձնի եղբայրական այս նոր սիրո կապը և նոր աստիճանը, մեր հարաբերությունների և համագործակցության զարգացման հետագա ուղիներում:

Ձերդ Սրբություն,

Այս բարի հարաբերություններում, որոնք Մենք շատ եմք գնահատում, պետք է ընդգծել Ձեր անձնական թանկագին և հատուկ ներդրումը: Եղբայրական փոխադարձ կապերի բազում դեպքեր, որոնք նվիրագործվել են մեր բոլոր եկեղեցիներում և սուրբ վանքերում համատեղ աղոթքներով, իրենց վրա կրում են Ձեր հոգատարության հետքերը, ինչպես նաև սիրո հուրը՝ մեր ընդհանուր ծառայությանն առընթեր, մարդկային ամբողջ սեռի խաղաղության և արդարության հոգսերի մեղքերից, չարիքներից զերծ աշխարհում:

Մենք վերջերս այդ զգացինք ս. Էջմիածին մեր այցելության ժամանակ,

զգացինք Ձեր անձնական հոգատարությունը, Ձեր եղբայրական սերը, Ձեր բարյացական վերաբերմունքը, մաս մեր երկու եկեղեցիները հուզող քրիստոնեական ու համամարդկային հարցերում:

Ձեր այս այցելությունը Մոսկվա, մի անգամ ևս գալիս է հաստատելու Ձեր եղբայրական զգացմունքները դեպի մեզ:

Ամբողջ սրտով ողջունում եմ Ձեզ, Ձերո՛ր Սրբություն, և հայ եկեղեցու պատվիրակության բարձրաստիճան ներկայացուցիչներին, որոնց մեջ մենք տեսնում ենք մեր ազնիվ բարեկամներին:

Այն, որ Ձեզ հետ այստեղ եմ ծանանել մաս մեր սիրելի եղբայր ամենապատիվ տ. Եղիշե պատրիարք Տերտերյանը, և ամբողջ աշխարհից հայ եկեղեցիների անվանի գործիչներ՝ Ձեր այս այցելությունը, ռուսական պրավոսլավ եկեղեցուն և նրա Մոսկվայի Աթոռին, ունի հատուկ նշանակություն: Հանձին Ձեզ, Ձերո՛ր Սրբություն, և Ձերո՛ր ամենապատվություն, մենք ունենք բացառիկ առիթը, ողջունելու լրությունը՝ Հայց. մեծ եկեղեցուն, նրա բոլոր թեմերի, որոնք կան և գործում են մեր հայրենիքում և կատարում են իրենց քրիստոնեական ծառայությունը, ինչպես մաս ուրիշ աշխարհամասերում և երկրներում:

Մեր սիրտը բաց է Ձեզ համար, և մեր աջը՝ եղբայրական ողջագործման համար:

Ավետարանի մեջ սուրբ Եղիսաբեթը, լսելով իր մոտ այցի եկած Մարիամի ողջույնը, բացականչեց. «Օրհնեալ ես դու ի կանայս, եւ օրհնեալ է պտուղ որովայնի քո» (Դուկ. Ա 42):

Ձերո՛ր Սրբություն, համարձակվում ենք, մենք էլ, այժմ, այս երջանիկ ռուսերին, մեր առաջին տեսակցության առիթով կրկնել ավետարանական բառերը, որպեսզի արտահայտենք Մեր խորը սերն ու հարգանքը Հայց. առաք. եկեղեցուն, նրա բարձրաստիճան ներկայացուցիչներին և Ձեր պատվո շքախմբի անդամների հանդեպ:

Օրհնյալ լինեք Դուք, որ բերում եք Մեզ ձեր եկեղեցու քրիստոնեական հավատքի բարի պտուղներն ու առաքելությունները, որպես ժառանգություն, որպեսզի մենք դրանք կարողանանք ճաշակել:

Ես բարձրացնում եմ այս բաժակը մեր սիրելի Եղբայր Նորին Սրբություն Ծայրագույն Պատրիարք և կաթողիկոս Վազգեն Ա Ամենայն Հայոց կաթողիկոսի, Երուսաղեմի սուրբ քաղաքի հայոց ամենապատիվ տ. Եղիշե պատրիարքի, այստեղ ներկա հայ եկեղեցու հոգևոր առաջնորդների, հովիվների, եկեղեցու սպասավորների առողջության կենաց, մեր և ձեր եկեղեցիների բարի հարաբերությունների ամրապնդման, մեր ընդհանուր գործի հաջողության, աշխարհում խաղաղության ամրապնդման և ժողովուրդների միջև համերաշխության կենաց:

